

KEV PAB THAUM MUAJ XWM TXHEEJ KUB CEEV

Pab them nqi xauj tsev/nyiaj txais yuav tsev thiab nqi hluav taws siv hauv tsev (utilities).



Tej zaum koj yuav txhawj xeeb txog koj cov nyiaj tau los thiab them koj cov nuj nqis. Ramsey County muaj ob qho kev pab cuam nyob ntawm no pab koj xws li qhov Emergency Assistance (EA) thiab Emergency General Assistance (EGA).

Qhov kev pab cuam Emergency Assistance muab kev pab rau cov muaj cov me nyuam nrog lawv nyob, thiab cov poj niam uas cev xeeb tub. Qhov kev pab cuam Emergency General Assistance muab kev pab rau cov uas tsis muaj cov me nyuam nrog lawv nyob.

Ob qho kev pab cuam EA thiab EGA muab kev pab them rau vaj tse nyob, xws li them cov nqi xauj tsev uas dhau caij lawm tsis tau them, cov nyiaj deposit, los yog pab them rau cov nyiaj txais yuav tsev kom lub tsev txhob poob rov qab rau lub tuam txhab tso nyiaj. EA thiab EGA kuj tseem pab them cov nqi hluav taws siv hauv tsev (utilities), thaum them tsis taus es yuav raug muab kaw. Cov hluav taws siv hauv tsev (utilities) muaj xws li fais fab, cua sov, thiab dej.

QHOV MUAJ FEEM TAU TXAIS KEV PAB

Yog muab hais kom dav, yog koj tsis tau txais kev pab los ntawm EA/EGA hauv 12 lub hlis dhau los, thiab koj tsis muaj leej twg los pab daws koj qhov teeb meem no ces, tej zaum koj yuav muaj feem tau txais kev pab. Koj yuav tsum ua kom pom tias koj muaj nyiaj khwv tau los txaus them cov nuj nqis mus tom ntej.

YOG XAV TAU KEV PAB UA NTAWV THOV | HU RAU 651-266-4444

Yog tam sim no koj TAB TOM tau txais kev pab (SNAP, kho mob, los yog nyiaj ntsuab los ntawm Ramsey County), hu rau tus neeg khiav hauj lwm (caseworker) rau koj los yog hu rau 651-266-444 kom tau ib daim ntawv ua thov kev pab. Nws muaj ib daim ntawv ua thov kev pab luv luv rau cov uas tseem tab tom tau txais kev pab.

Yog tam sim no koj TSIS TAU txais kev pab, koj ua ntawv thov rau EA/EGA online nyob rau ntawm applymn.dhs.mn.gov.

Muaj cov neeg khiav hauj lwm Fab Nyiaj Txiag yuav pab tau koj Monday–Friday txij thaum 8:30 a.m.– 4 p.m ntawm tus xov tooj 651-266-4444. Lawv yuav txiav txim tsis tau tias koj muaj feem tau txais kev pab rau thaum muaj xwm txheej kub ceev, tab sis lawv yuav teb koj cov lus nug raws li qhov teb tau thiab nrog xyuas koj daim ntawv ua thov kev pab. Lawv kuj tseem xa tau ib daim ntawv ua thov kev pab tuaj rau koj thiab.

Yog koj muaj lus nug txog qhov muaj feem tau txais kev pab thiab nug seb koj daim ntawv ua thov kev pab mus txog twg lawm, hu rau EA/EGA tus xov tooj 651-266-4884.

DAB TSI UAS KOJ YUAV TAU PAUB HAIS TXOG EA/EGA

- ✓ Koj tsuas muaj feem tau txais kev pab los ntawm EA/EGA ib zaug hauv lub sij hawm 12 lub hlis xwb. Piv txwv, yog koj tau txais kev pab them nqi fais fab, nqi cua sov, nqi dej rau thaum lub Xya Hli (July) 1, 2019, koj yuav tsis tau txais kev pab los ntawm EA/EGA mus txog ntua lub Xya Hli (July) 1, 2020.
- ✓ EA/EGA tsuas pab them rau cov nqi xauj tsev/nyiaj txais yuav tsev uas dhau sij hawm tsis tau them, cov nyiaj deposit los yog cov nqi fais fab, cua sov thiab dej nkaus xwb. Qhov kev pab cuam no tsis pab them rau cov nqi kho tsheb, txiav ntoo, cua txias, xov tooj, thiab lwm yam mus ntxiv lawm.
- ✓ Kom tau txais EA, cov neeg tau txais kev pab yuav tsum ua kom pom tias lawv tau siv tsawg kawg 50% ntawm lawv cov nyiaj khwv tau los (net income) them rau tej yam tseem ceeb xws li: xauj tsev, khoom noj, fais fab, cua sov, dej, cov nqi them zov me nyuam, tsheb thauj mus hauj lwm. Nws tsis muaj qhov 50% test rau EGA.
- ✓ Ramsey County tsis muab kev pab rau qee cov ntawv ua thov kev pab them nqi cua sov thaum tus neeg tau txais kev pab tseem tau txais kev pab tiv thaiv los ntawm “Cold Weather Rule” txij thaum lub Kaum Hlis (October) 15 – lub Plaub Hlis (April) 15. EA/EGA yog rau cov neeg tau txais kev pab uas ntsib teeb meem cuam tshuam txog cua sov; cov uas nyob cov tsev apartment buildings uas cua sov nws muaj nws tsis nrog fais fab uas nyob rau qhov yuav raug muab txiav tu.